

ایوننگ گوجری نیوز بلیٹن مو رخہ 14 ستمبر 2026

Headlines

یوہ آکا شوانی جموں بے محمد سفیر تیں خبر سنو پہلاں خاص خبر۔

*1- وزارتِ دفاع نے اظہارِ رکی و بے جے جموں کشمیر مانہ بہتر سلامتی صورتحال برقرار رکھن مانہ بہارتی فوج غی انتھک کوششاں غو اہم کردار بے۔

*2- وزیر اعلیٰ عمر عبداللہ نے سول سیکریٹریٹ مانہ ممبران اسمبلی نے دیگر وفود سنگ ملاقات کی۔

*3- جموں انٹرنیشنل فلم فیسٹول واسطے تیاری جاری ہیں اور 17 ستمبر نانہ پیش کیو جائے گو تمہیدی ٹکڑو۔

*4- ملک پھر مانہ اچ گنیش چتورتھی غو تہوار بڑا جوش و خروش سنگ منایو جا رہیو بے۔

*5- تے ریاسی بکل سڑک حادثہ مانہ 2 افراد جاں بحق تے 5 دیگر زخمی ہو گیا ہیں۔ وزیر اعلیٰ عمر عبداللہ تے نائب وزیر اعلیٰ سریندر چودھری نے اس حادثہ ور ٹنگا دکھ غو اظہارِ رکیو بے۔

خبراں غی تفصیل نال پہلاں عالم خان۔

Defence Annual Report

وزارتِ دفاع نے اپنی 26/2025 غی سالانہ رپورٹ مانہ شمالی حصاں غی صورتحال نانہ اُجاگر کیو بے۔ رپورٹ مانہ دسیو بے جے فوج غی انتھک کوششاں غی وجہ سنگ جموں کشمیر مانہ سکیورٹی صورتحال پوری طرح نال قابو مانہ ہیں۔ تشدد غی سطح، احتجاجاں مانہ کمی، پتھر بازی غو کوئی وی واقعہ پیش نہ آو اس غو جیتو جاگتو ثبوت بے۔ جموں کشمیر غے اندر بشمول قبضہ لکیر ور آپریشن سندور غے دوران صورتحال نمایاں طور ور تبدیل ہوئی تھی۔ ور بعد مانہ 11 تے 12 مئی 2026 نانہ ڈی جی ایم او سطح غی گل بات سنگ صورتحال مستحکم ہوئی تھی ور ناقابلِ پیش گوئی جاری بے۔

CM Delegations

وزیر اعلیٰ عمر عبداللہ نال اچ سول سیکریٹریٹ مانہ کئی ممبران قانون ساز اسمبلی، وفود تے انفرادی طور ور لوگ ملاقی ہوا، تے عوامی مفاد غا اہم معاملات ور تبادلہ خیالات ہوئو۔ ایم ایل اے سونا وری ہلال اکبر لون غی قیادت مانہ اک وفد نے وزیر اعلیٰ سنگ ملاقات کی جس مانہ بکھ بکھ ترقیاتی معاملات تے عوامی بہبود نال جڑا معاملات نانہ اُجاگر کیو گیو۔ ایم ایل اے خان صاحب سیف الدین بھٹ نے وی وزیر اعلیٰ نال ملاقات کر غے اپنا اسمبلی حلقہ غا کئی معاملات اُن غے باندے رکھیا اس تیں علاوہ مرکزی آئی سی اے آر ادارہ برائے ٹمپریٹ باغبانی سرینگر غا ڈائریکٹر ایم کے ورما تے قومی باغبانی بورڈ غا ڈپٹی ڈائریکٹر اشوک کمار نے وی وزیر اعلیٰ نال ملاقات کی۔

Jammu Film Festival

جموں انٹرنیشنل فلم فیسٹول 5 واں شماره واسطے تیاریں زوردار طریقہ سنگ جاری ہیں۔ اس سلسلہ مانہ 17 ستمبر نانہ ”تمہیدی ٹکڑا“ غی رسم نال اس غی سرگرمیں شروع ہو جائیں گی۔ جس سنگ سنیماء، ثقافت، معاشرہ تے تخلیقی صلاحیتاں نانہ اک منچ ور جمع ہون غو موقعو ملے گو۔ مذکورہ تقریب ابھینو تھیٹر جموں مانہ سویرے 11 بجے منعقد وے گی۔ منتظمین غے مطابق اس فلم فیسٹول غو مقصد فلم سازاں، فنکاراں، تخلیقی پیشہ وارانہ تے سنیماء شوقین نانہ اک منچ فراہم کرنو ہے، نالے جموں کشمیر غی امیر ثقافتی منظر نامہ نانہ باہدو دینو ہے۔ اس بارے مزید جانکاری دے رہیا ہیں جموں فلم فیسٹول ٹیم غا ممبر راہول بھٹ۔ بائٹ۔۔۔

Rana Macadamization

جل شکتی محکمہ غا وزیر جاوید احمد رانا نے ضلع پونچھ غا مینڈھر مانہ علاقہ چھلہ نانہ رام گنڈھ سنگ جوڑن آلی سڑک غا پکا کم غو نی پتھر رکھیو۔ یاد رہے مذکورہ پروجیکٹ محکمہ پی ٹیلیوڈی غی نگرانی مانہ مکمل کیو جائے گو، جس ور 40 لکھ روپیاں غی لاگت غو تخمینو ہے۔ اس موقع ور وزیر موصوف نے اظہار کیو ہے سرکار دور دراز علاقان نانہ سڑک سنگ جوڑن واسطے وعدہ بند ہے۔ انہاں نے مزید اس طرح کہیو۔ بائٹ۔۔۔

DGP Poonch Visit

جموں کشمیر پولیس غا سربراہ نلن پرہات نے اج آئی جی پی جموں تجیندر سنگھ غے ہمراہ ضلع پونچھ غو کیو تے اعلیٰ عطحی میٹنگ غی صدارت کی۔ جس مانہ موجودہ سکیورٹی صورتحال تے پولیس اور سکیورٹی ایجنسیاں غی تیاریاں غو جائزو لیو گیو۔ میٹنگ مانہ انہاں نے ضلع مانہ مجموعی صورتحال غا جائزہ غے دوران خاص توجو حساس علاقان، سکیورٹی انتظامات تے بکھ بکھ سکیورٹی ایجنسیاں غے بشکار تال میل ور دتی گئی۔ متعلقہ افسران نے ڈی جی پی موصوف نانہ ضلع غی سکیورٹی صورتحال تے امن و قانون نانہ برقرار رکھن واسطے چایا گیا انتظامات بارے دسیو پالیو۔

مزید خبراں نال محمد سفیر پرواز ور اُس تیں پہلاں یوہ سنیو۔

Ganesh Chaturthi

ملک پھر مانہ اج گنیش چترتھی غو تہوار بڑا جوش و خروش سنگ مانیو جا رہیو ہے۔ یاد رہے یوہ تہوار گنیش بھگوان غی یاد مانہ مانیو جائے جنہاں نانہ دانائی، خوشبختی تے خوشحالی غی علامت سمجھیو جائے۔ اس تہوار نانہ ونائیک چترتھی یاہ گنیش اُتسو ناں سنگ وی جانیو جائے۔ قابل ذکر ہے جسے مذکورہ تہوار 10 روزہ تقریبات غا آغاز غی علامت ہے جس دوران لوک اپنا کہراں مانہ گنیش بھگوان غی مورتی بنا غے خصوصی پوجا کریں۔ اس موقع ور صدر جمہوریہ درویدی مرمو، وزیر اعظم نریندر مودی تے لیفٹنٹ گورنر منوج سنہا نے عوام نانہ مبارکباد پیش کی اور نیک خواہشات غو وی اظہار کیو۔ اس بارے بولتاں گجھ عقیدت منداں نے اپنی خوشی غو اظہار اس طرح کیو۔ بائٹ۔۔۔ اور اک مورتی ساز نے وی اپنا خیالات اس طرح سانجھا کیا۔

Accident

ضلع ریا سی مانہ بٹل گالا ٹنل غے نیڑے ریا سی بکل سڑک ور اج پیش آیا اک سڑک حادثہ مانہ 2 افراد جاں بحق جد کہ 5 دوجا زخمی ہو گیا ہیں۔ سرکاری ذرائع نے دسیو ہے جے اک منی بس ڈرائیور غا قابو تیں باہر ہو غے پلٹ گئی جس غا نتیجہ مانہ 2 افراد غی موت ہو گئی۔ ضلع ہسپتال ریا سی غا میڈیکل سپرنٹینڈنٹ ڈاکٹر کرمویر سنگھ نے اس حادثہ مانہ ہوئی اموات غی تصدیق کی تے کہیو۔۔ بانٹ۔۔ اس سلسلہ مانہ پولیس نے معاملو درج کر ليو ہے تے مزید تحقیقات جاری ہے۔ وزیر اعلیٰ عمر عبداللہ تے نائب وزیر اعلیٰ سریندر چودھری نے اس حادثہ ور ڈنگا دکھ غو اظہار کیو ہے۔ تے لواحقین نال ہمدردی گو اظہار کیو ہے۔

Director Food Supply

محکمہ خوراک تے امور صارفین غا ڈائریکٹر راجیش کمار شون نے اج ضلع پونچھ غو دورو لاغے آئندہ سپال واسطے محکمہ غی طرفوں کی گئی تیاریاں غو جائزو لیو۔ اس موقع ور خصوصاً غلہ، رسوئی گیس، مٹی غا تیل تے دیگر اہم اشیاء غی فراہمی بارے تفصیلاً جانکاری لی گئی۔ میٹنگ غے دوران دوردراز پہاڑی علاقہ منڈی، لورن، ساوجیاں تے بفلایز مانہ مذکورہ اشیاء غی فراہمی ور زور دتو گیو۔ اس بارے ذرائع ابلاغ سنگ گل کرتاں واں ڈائریکٹر موصوف نے اس طرح کہیو۔۔ بانٹ۔۔

Walnut Grading Rbn

ضلع رام بن مانہ جامع ذریعہ ترقیات پروگرام غے تحت اخروٹ غی صفائی تے گیری تیار کرن واسطے قابل منتقل مشین تیار کی گئی ہے۔ اس مشین غی قیمت تقریباً 4 تیں 5 لکھ روپیہ ہے جس ور سرکار 50 فیصد سبسڈی فراہم کراوے جہیڑی تقریباً 2 لکھ روپیہ ہے۔ اس بارے مزید تفصیلات دستاں واں علاقائی مارکیٹنگ افسر رام بن تحسین اقبال چب نے اس طرح دسیو۔۔ بانٹ۔۔

Weather

محکمہ موسمیات نے جموں کشمیر مانہ آتا گجھ تیہاڑاں مانہ موسم غیر یقینی رہن تے ہلکی بارش غا امکان ظاہر کیا ہیں۔ اج تیں 17 ستمبر توڑی بکھ بکھ مقامات ور نیکی لویاہ پیشی ویلے بارش یاہ گرج چمک غا تے آندھی طوفان غا آثار ہیں۔ جد کہ 18 توں 23 ستمبر توڑی موسم خشک رہ گو تے کجھ مقامات ور ہلکی بارش وی ہوسکے۔ لوکاں نانہ مشورو دتو گیو ہے کہ احتیاط برتیں تے آندھی چکھڑ غے دوران گھراں غے اندر رہن نانہ ترجیح دیں۔

اس غے نال ہی خبراں غو یوہ بلیٹن ختم ہوئو۔